

華嚴不厭樂禪師語錄目次

住貴州興隆衛龍山寺語錄

住四川遵義府王泉寺語錄

住重慶府華岩禪寺語錄

卷一

序文

行由

上堂

卷二

小參

機緣

拈頌

卷三

山居

印偈

南遊

講著

佛事

不厭樂禪師目次終


序

余幼讀書時好觀佛教宗乘然亦淡與難解及細推
中唐則知聖賢之道豈有二耶唯單傳最上可疑未
決自庚申由中翰從征入蜀同巡撫杭寓省城之昭
覺友丈雪為方外每談箇中開破公之語錄喜不自
甚已而凱歸便覺晴雲出岫非同倦鳥棲簷一得放
兄泉林消灑市外頗沾破公之益偶訪潮音并訂二
師於訪龍嚴若雲松庵禪丈詢及所來乃云西蜀
華嚴與本師不厭和尚刻錄余即請觀是集實聖老
之子破公之孫也其中法語偈頌不藉彫琢言言見

諦勤切簡易單提向上可敬後昆誠哉破公聖老之
後有人不啻源遠而流長也已謹序

普

康熙癸酉上巳日鷲水仲碧仙葛民氏沐手書



行由

師字不厭諱道樂乃黔之思南印江人父楊母盧生
于庚辰八月廿三子時十三聘聚廿七英父廿九齋
戒喜看牧牛頌聞人讀孟子書云羊之性猶牛之性
牛之性猶人之性得箇入路越二年違母拋家投敏
樹和尚得度受具剛一載敏和尚圓寂同眾建塔畢
復參華岩聖可和尚入室問大通智勝佛因緣喚頓
痛棒頭破血流于是稍知痛癢于丙辰春辭歸黔省
母臨行華岩與之偈曰華岩老漢卻認真慣以高技
拂上人如是宗綱非細事勿嫌鮮血染渾身師卻之

未受戒回祝母壽畢偶覺之禪人堅請住龍山寺二
載忽烽烟大變退居高壘山一年老母終世候周忌
畢甲子春出蜀至遵義府衆善留住王泉禪寺于乙
丑春開華岩和尚出院寓遵州方山師復趨省覲老
和尚以死句活句不死不活句驗師復印偈并拄杖
拂子偈曰死活為嫌意遠殊應酬如電不之乎因君
會喫老僧棒故以中書臺向坐于己已八月還初和
尚請住華岩祖院師不勉故辭住一冬一夏如是三
處共集語錄三卷萬五千言已刻流行板入嘉興勝
嚴藏房

門人如愚請識記錄

不厭樂禪師語錄卷一

門人德普記錄

住貴州興隆衛龍山寺語錄

丙辰九月覺之禪人率衆請入院

三門 一喝云豁開不二門當軒無桮物直捷路

堂堂信步無私曲

佛殿 者老漢在處相逢時常得會全沒一點人情

卻有些子尊貴今日觸著禪者又有麼生有麼不麼

便拜

據室 三世諸佛同居一切祖師共任新長老到來

全無回互頓然云且道利害在甚麼處喝一喝便起
賀居士請上堂師於居士手中接疏云世尊不說說
迦葉不問問莫道無言好透度與維那宣讀
法座 曲策木床人天榜樣顧甚險危要上即上遂
陞拈香祝聖畢次拈香云此辦香燕向爐中供養上
敷下樹和尚以酬刺度戒德之恩末後拈香云者一
辦香燕向爐中專伸供養現往重慶府華岩堂上傳
臨濟正宗第三十二世上聖下可大和尚以酬法乳
之恩欽承敷座上首白槌云法筵龍象衆常觀第一
義問如何是第一義師云未舉槌時薦取進云恁麼

不遲入刻也師云知過必改云某甲過在甚麼處師
打云再犯不容乃云昨夜風今朝雪大地山河俱一
色釋迦老子暗點頭森羅萬象難分別願衆云作麼
生會若作一色會未免僂佻不作一色會錯過眼前
作麼生得恰好去衆中莫有具眼者麼試出來定當
看其或未然莫謂蒼天多殊勝須知時節不相饒喝
一喝

悟悉請上堂問悟悉捐資克苦建此禪院今日迎請
和尚陞座說法獲何利益師云不是苦心人不知云
某甲不會師云不會問取悟悉乃云古人道修此堂

者有損有益居此堂者有利有害龍山卻不然修此堂者有準有則居此堂者有施有設四眾皈依說得行得向上宗乘口無兩舌歷代相傳明明滿地願左右云漏泄箇甚麼以柱杖作○此云切忌喚作熟除夕中相公高明和等請上堂檀信殷勤請上堂慚無一事過諸方身貧貌陋才能寡胆大心虛志劣狂伸出一雙翳相手打開八字古門端招回木馬雲中過驚起南辰北斗藏

覺之請上堂舉一不得舉二放過一著落在第二且道一作麼生舉師云古人與麼撥火星飛取討不的

龍山卻不與麼遂擲下拄杖云唯此一事實餘二則非真

康熙甲子年住道義府南隅里玉泉寺弘休弘悟及眾姓請上堂拈香祝聖畢末後拈云此是第二回拈出熱向爐中供養現任華岩堂上傳臨濟正宗第三十二世上聖下可大和尚以酬法乳欲不就座白椎竟問如何是玉泉境師云五峰黃葉一帶青松如何是境中人師云白棒頻拈佛魔胆喪乃云時維臘八節屆三冬半寒半暖無雪無風十方寧靜萬里長空潭無南北莫辨西東以拂子召眾云昨夜釋迦老子

不與麼遂擲下拄杖云唯此一事實餘二則非真

三

獄翻腦蓋臨眼重瞳帶累許多人胡思亂想說流通願左右云現前大眾各有眼見的分明要會即會三無漏學十智同真一切法門無出於此脫或不曾各各歸卑穩坐細細觀察日久月深自見釋迦在汝諸人眼晴裡成等正覺還委麼麼喝一喝

平師云釋迦彌勒即今在甚麼處會無語師云擬心即錯動念即乖乃云今日寂靜齋供眾玄度法兄請吾座座舉唱此事大眾若論此事在聖不增在凡不減即今現前山是山木是木人事是人事更要舉倘甚麼若道雲籠古路野色依依葉落林疎神光皎皎白牛連步玉馬嘶風總是利生邊事且道如何是此事聽山僧拄杖子與你們註解卓拄杖兩下

也似是即未在紅爐烈燄須要向前就炙錯推運動貴乎直下承當不許停機佇思那容顧險防危若也透過威音那畔始識金烹大冶裂開今時業網方知玉出藍田其或未然華岩祇得拋磚引玉去也擲拄杖下座

住重慶府華岩禪院語錄

微證請上堂問如何是接初機句師云念子遠來云既念某甲遠來望師慈悲指示師便打乃云止止不須說勒回三大劫風飛雷厲之神機我法妙難思突出五千軸海湧雲騰之寶露諸增上慢者閉骨董不許違天索償問必不敬信懶得聽他遍地生枝華

小瓶錄語錄

月

祝聖畢末後拈云是甚麼乾矢橛麻三斤一回拈出一回新雪後始知松栢操事難方見丈夫心此是第三回拈出熱向爐中專為供養現任瀘州雲峰堂上聖下可大和尚用酬法乳之恩欲不就座南芝和尚白椎竟問答罷乃舉石屋和尚道老枯偷閑去半年祖翁田地草芊芊歸來懶更重還債犁耙春風又上肩古人恁麼說話大似有上無實有賓無主呼馬作牛呼牛作馬不欲承當擬欲推脫今日道樂都不然呼牛即牛呼馬即馬喚賓則賓喚主則主直解承當不解推脫何故如此還鄉盡是兒孫事祖父從來

若與麼說話座主奴也未夢見在教外別傳一句又作麼生頓斷凡情無聖解母云別有好商量卓拄杖下座

不與麼遂擲下拄杖云唯此一事實餘二則非真

六

不出門

未出窟時如何師云絛絛絕響進云已出時如何師云鳴乃云玄沙翠被腳趾路從平處險雪峰九上三登人向靜中坐只如德山托鉢鐘未鳴鼓未響向其處處去一片白雲橫谷口岩頭密起其意果與往日不同許多歸鳥盡迷巢大眾你看他古人恁麼陸地行舟水走馬祖禪不了殃及兒孫所以賺得慈濟禪人師徒千里來此營齋供眾請山僧陞於此座打開雙桂門庭露布華岩宗旨四眾咸沾利益十方共仰無為且道如何是華岩宗旨分明洞口流長舌古今風濤怒雷

冬至上堂石女高提寶印文彩全彰木人暗度金梭
纖毫不昧慈明榜張堂上揭示樞機洞山果桌擬退
家常表禮華岩今日也無恁般施設一味隨家豎
只如應時及節又作麼生遂以拂子作此○作斟茶
勢云大衆還會麼舉僧問古德云如何是冬來意德
云京師出大黃師云古德與麼雖有教病之良方且
無活人之寶劍不能使這僧點首若有問華岩如何
是冬來意只向他道各人打掃門前雪休管他家屋
上霜揮塵下座
上堂十五日已前過去事已過去了十五日已後未

來不必預思量正當十五日因齋慶讚端坐受供一
句又作麼生良久云北俱盧州出梗米食者無煩惱
無喜

上堂問如何是第一玄師云岩前古柏似霜寒如何
是第二玄師云葉葉枝枝不減繁如何是第三玄云
半遮風雨半遮天乃云神僧家眼耳精明手舞足蹈
隨緣放曠任意逍遙東邊鼓掌西畔擊拳禪堂中參
禪佛殿裏禮拜佛頭大用現前一不逾軌則若也
火爐頭板凳上脫落超方眼三條椽七尺單搭開通
齊路始知無邊利海自他不隔於毫端十世古今始

終不離於當念說甚麼東山水上西河火裏提金剛
圈點飛龍馬一時遂過四天下喝一喝

香國和尚設齋請上堂十五日已前有佛處不得在
十五日已後無佛處急走過正當十五日愁人莫與
愁人說說與愁人愁殺人所謂岩頭記受德山有父
有子玄沙不肯靈雲難弟難兄只如今日香國和尚
於此相席打令助揚法化一句作麼生道東洞水盈
西洞水南山風舉北山風

元日上堂問元朝瑞色喜偏多萬國同歡慶歲和唯
有衲僧分外別閑吟雪曲和巴歌如何是新春事師

云梯眼對梅腮進云不涉新舊一句又作麼生師云
亘古虛空無向背風行草偃卻尋常乃云新年頭佛
法有慶祝當今無量壽新年頭佛法無河清海宴絕
親疎舊睦拄杖顧衆云只者拄杖子還落新舊也無
良久卓一卓下座
乾玉師請上堂展兩手云大開方便門通十方無二
路復叉手云牢關緊閉納四海成一家只如不開不
閉又且如何撒手云荷葉團團圓似鏡菱角尖尖尖
似錐
解制上堂百草頭邊無限春相看盡是昔時人迢迢

曠劫何曾昧堪笑南詢更問津草鞋未辟跳千山業
已過箬笠上頂額萬岐歸一致還委悉麼杖頭有眼
空三際布袋無心觸古今

浴佛未離兜率已降王官未出母胎度人已畢又何
須指天指地獨步稱尊惹得是非徧界泥水通身即
今還免得麼不無惡水劈頭淋

庚水請上堂壁拄杖云即心即佛喚作拄杖子則觸
非心非佛不喚作拄杖子則背不觸不背喚作甚麼
你有拄杖子我與你拄杖子你無拄杖子我奪你拄
杖子顧衆云脫空妄語作麼拽拄杖下座

不取聲聲

結夏上堂以拄杖作此○云三世諸佛恒沙國土歷
代祖師天下老和尚盡在裏許作大御藍安居平等
性智只如即今有越得此○者麼其或未能切忌勸
者喝一喝

師居士請上堂問三聖道我達人即出出則不爲人
時如何師云把手牽他行不得進云興化道我達人
即不出出則便爲人又作麼生師云爲人自肯乃方
親云一箇道爲人一箇道不爲人是何意自師云苦
瓜連根苦甜瓜徹蒂甜乃云有問有答人我山前顯
示本來面目無言無說利名場上全彰清淨法身歷

古今而不昧經塵劫以長靈且道僧之與俗誰箇欠
少既不欠少向甚處見他端的酒醉五湖四海客茶
親東蜀越西人
上堂問如何是三冬花木秀師打云琉璃殿上重鋪
錦進云如何是九夏雪霜飛師又打云瑪瑙階前布
赤沙乃云藥山久不陞座不是息心除妄都緣無事
商量莫道理長則就謗言土曠人稀汾陽夜夜小茶
正是抱賊叫屈作賊心虛德山棒如雨點臨濟喝似
雷奔未免平地干戈虛空掘洞致使兒孫闢亂罪犯
彌天衲僧家各具金剛正眼舉一明三目機鋒兩猶

是無風市而之波向上一路千聖把手共行合入泥
犁地獄祇如正恁麼時不求諸聖不重已靈一句作
麼生道境色隨朝露禾花遍野香

解夏上堂問解制意如何師云雲外只恐鵬展翅秋
中可許鴈傳書進云人人覲面相逢因甚道不識師
云金風有意侵人骨玉兔無心耀古今乃云十五日
已前手長衫袖短十五日已後腳瘦草鞋寬正當十
五日海底泥牛啼雲中木馬飛眼觀東南意在西北
只如有一人不出戶牖而獨步大方且道是那一人
踏足云銀山鐵壁萬重高腳下無私俱踏碎

庚午冬結制李華生徐桂伯請上堂問結制即不問
開爐一句作麼生師云納須彌於芥中進云開後如
何師云擲乾坤於化外乃云祖師道盡乾坤大地與
作一句子擔枷帶鎖不喚作一句子業識忙忙華岩
則不然盡乾坤大地作一大爐山僧作箇火種一衆
大家撥柴把草熱開相親變生作饑飢餐渴飲無論
鍋碗大小杓筋短長須知飯是米飯羹是菜羹那信心
湯是水羹羹識行人血汗者些日用鬼家活計也不
無只如衲僧本分又作麼生良久云確定是非惹烈
爛裂分珍石入紅爐

龍居士請上堂問接續提鼓即不問因齊慶讚意如何師云龍得水時添意氣進云謝齋一句作麼生師云光遠山勢長威得進云菜羹滋味莫嫌寡林下安貧得自然師云風梳翠竹和烟鼻露滴香松戴月明乃云請子須具鐵石心肝向者不冷不熱爐轉半乾半濕柴頭生鐵煉成熟鐵頑鑪化作金鑪錯棍久久經歷任分能細剛柔那時把得使用方知不假他求大衆還信得及麼試玉須經火求珠不離泥上堂有問有答拋磚打瓦擊木作聲無言無說揚聲止靜默照邪禪縱饒口似懸河舌如利劍說窮三際

喝退須彌於已躬分上總沒交涉只如十五日已前恁麼也不是十五日已後不恁麼也不是正當十五日恁麼不恁麼總不是又作麼生暮墜拂子云荷盡已無擎雨蓋菊殘猶有傲霜枝

冬至上堂問今朝冬至意如何師云人間化日緣添線物外幽禽便囀呻云冬至後又如何師云鐵樹花開石田笋出乃云昨夜斗轉星移今朝律管飛灰時雲收萬里一天光皎無疑春信南枝暖回殿閣又何須愁明榜文洞山果桌只如長連床上禪和稿木其身鐵石其心如何通箇消息莫言未發迎春柳且

三

看新開傲雪梅

光祥聚居士請上堂衆士殷勤請上堂別無佛法可商量頓斷凡情絕聖解諸人直下好承當好承當去來莫厭路途長衆僧問乾峰十方婆伽梵一路涅槃門未審路頭在甚麼處峰以拄杖劃一劃云在者裡後僧舉似雲門門拈起扇子云扇子踰跳上三十三天觸著帝釋鼻孔東海鯉魚打一棒雨似盆傾師云看他二大老爲人總沒交涉何故乾峰用處雖然特地未免屈煞拄杖雲門爲人如是直切不無苦勞扇子設有問華岩路頭在甚麼處只向他道嚴漏晴似

兩谷應黑如雷卓在杖兩下上堂問雪峯道望州亭烏石嶺僧堂前俱言與汝相見了也且道相見箇甚麼合談何事師默然進云後保福問魏湖僧堂前且置未審望州亭烏石嶺相見箇甚麼魏湖驟步歸方丈保福低頭入僧堂又是何意旨師便打乃云祖師道要急相應惟言不二不皆同無不包容正謂性天心地普擊普蓋無減無增不落不味恁麼說話已是落七落八如何是不二觀世音菩薩將錢買餅放下卻是饒頭今日願度比丘尼具此大神通力得得供養諸人莫只團團吞卻

三

也須識些滋味始得

上堂昨宵星燦長空今朝日輪當午瞿曇失卻雙睛冤及兒孫莽肉休莽肉貓兒偏解捉老鼠上堂問雪覆千山因甚孤峰不白師云逢人切忌錯舉進云恁麼無他棲泊處別是一乾坤師便打乃云寒風凜冽遙空下雪紅爐煖上莫覓踪由蘆花深處猶難辨別到這裡正恁麼時如何山家富貴銀千樹牧者風流玉一簪

上堂問如何是第一玄師云江湖覽載船云如何是第二玄師云賺錢不費力費力不賺錢云如何是第一

三玄師云爲飛不到處人被利各牽云如何是第一

要師云雪後始知松柏操如何是第二要師云飢餐渴飲穿衣頂帽如何是第三要師云時然後言樂然後笑云三玄三要衆師指利生一句作麼生師云地獄天堂打成一片菩提煩惱坐斷兩頭乃云向上一機彌滿宇宙當陽一路軒豁十方分明共証執取衆藏直得瓊樓玉閣百草微塵全彰至化白牯狸奴森羅萬象具足威儀塵塵利利突出無位真人物物頭頭總是現成公案若果到者般田地管教三世諸佛歷代祖師齊立下風其或不然須知更有事在

上堂第一義諦迴絕安排若擬思惟早成鈍滯所以道心若不異萬法自如眼若不寐諸夢自除伶利漢向文彩未彰之前脫體承當較些子若於山僧恁麼舉處會得已落沉思困於途轍爭如我纔芳山主向格外行履不消見烟已知是火何須露角早知是牛正與麼時慶讚因齊增意氣不風流處也風流上堂問終日拈香撥火不知身是道場意旨如何師云身是道場進云有甚麼限量師云東西十萬南北八千乃云明不得狀不得瓦解水消事一然理一然天高地厚只要人人直下承當箇箇就中委悉如委

悉得兩箇箇毒池中獨立其或不然一雙孤鷹撲地高飛夜舉五祖演上堂云多說不如少說少說不如不說演祖大似鸚鵡能言道得不知有多少俱說了又道不說華若今日多也不說少也不說只如不說之說又作麼生良久云今古罕聞

庚水母難請上堂松栢南山足可論一番春至一番新更有虛空無比相風歌雨唱曲長生只如那吒析骨還父析肉還母然後爲父母說法又作麼生良久云粉骨碎身未足酬一句了然超百億元日上堂問如何是新年頭佛法師云萬頃白雲鋪

五

錦繡一輪紅日挂金毬進云恁麼一人有慶兆民賴之師云薰大香一瓣誰人不點頭乃云新年頭佛法有海宇雲霞散彩江程梅柳生輝新年頭佛法無道泰不傳天子令時清休唱太平歌只如不落新舊有無一句作麼生道日月光天德山河壯帝居解制上堂百日期中無繩自縛三條條下有口難言換到今日飲氣吞聲欲去不去欲住不住不免放開便道任意縱橫或於十字街頭三家村裡和其光同其塵恁麼也得或於孤峯頂上林下水邊閉其門塞其兌恁麼不恁麼也得還委恁麼莫道華岩山勢險

前途猶有最高峯

上堂問如何是父母未生前師云石笋抽條進云如何是已生後師云只是不識羞云已生未生時如何師云秋夜月明天在水波光卻與月輪齊乃云德山托鉢上法堂雲在額頭閒不徹水流瀾下太茫生雲峯道鐘未鳴鼓未響托鉢向甚處去養子不及父家門一世哀德山便歸方丈憐兒不覺饑徒負鉢孟惟岩頭云老漢未會未後句在戴月瑤枝秀扶危碧樹高山云你不肖老僧那頭密啟其意一片白雲橫谷口許多歸鳥盡迷巢次日上堂果與往日不同心不

六

負人面無慚色岩頭撫掌笑云且喜老漢會得未後句也他後天下人不奈伊何雖然如是也得三年活漫道爺食連子苦須知家富小兒嬌迷顧左右云看他德山父子與麼玉轉珠回擲地金聲未免自揚家醜只如會得底末後句也得三年活又是什麼道理良久云王宇秋高無界限無逾萬映一輪孤

不厭樂禪師語錄卷一終

不厭樂禪師語錄卷二

門人性福等編

小參

自恣小參九旬禁足無繩自縛爭如者裡無拘無束來去自由和光混俗淡薄隨緣不少菜粥免奔波損勞碌拈拄杖召衆云龍山不慣按牛頭總要人人高突兀

爲半雲和尚對靈小參拈拄杖云大眾半雲和尚來也作麼生相見復靠拄杖云見麼道是半雲又背卻拄杖道是拄杖又背卻半雲如何得恰好去以拄

杖擊案云雙桂月白應遠英白龍山放一枝新莫言

老幹扶疎晚更有欽昂鬱後落喝一喝

除夕舉石屋和尚道年亦窮月亦窮三十六旬窮伎倆破除全在五更鐘古人與麼除窮未免隨他音響有甚交涉龍山卻不與麼年不窮月不窮一年一度喜相逢家家門上重光彩戶戶堂前倍樂鐘良久云會麼智者應須直下薦莫教錯過此年豐新舊推遷若明白早與龍山拄杖通一僧出衆喝一喝師隨聲便打一僧扣鐘師掩耳歸方丈

風八盡道瞿曇今日悟誰知老漢笑情生明星換卻

光明眼寐語引癡世上人教壞許多落異見埋藏無限入深坑禍因狼藉愈增盛怪得兒孫惡水淋

明証弘圓弘智等請小參師托起茶盃云大眾認得這箇麼一人云是茶鏡一人云和尚請茶明証向前奪過置一邊桌上師展兩手笑云山僧將什麼喫茶誕疾斟一盃茶捧於師前師云謝汝殷勤禮拜師云作禮底是度茶底是誕攝手師云小心復召衆云此箇事人人具有個個不無眼見耳聞手舞足蹈本不差別爲甚知底知不知底不知你們看他明証不異轉天開換地軸底手段勝是快便既爲生死修行

莫作兒戲會必須個個如是始得山僧不是壓良爲賤正謂理無曲斷是即是切莫作佛法商量若作佛法商量入地獄如箭

華岩秉拂小參問滿天星斗月在甚處師以拂子打圓相云高者眼僧擬再問師便喝乃云去來兩度脚頭酸華岩連累屈難言今宵又命從新事也是重加矢上尖喝一喝

秉拂問大千世界一坦平因甚探竿在手師云爲汝不會踏者進云請和尚道師云待虛空落地時向汝道僧擬議師便打問枯木倚寒岩三冬無煖氣是何

境界師云別有風流一段奇進云要子見個甚麼道理便燒卻菴師云他要此話大行乃舉高峰祖上堂云門外有一人用盡機謀要入入不得門內有一人用盡伎倆要出出不得出不得入不得且置只如門外人與門內人相會時如何愁人莫向愁人說說向愁人愁殺人師云祖師與麼是半開眼未見絕人荒何故既入不得出不得向甚處相會道樂卻不然要與八字打開無一毫隔礙門外人不假機謀要入便入門內人全無伎倆要出便出只如門外人與門內人相會時如何車書自古同文軌四海於今

不厭樂禪師語錄

共一家擎几案下座

秉拂問如何是世尊不說說師云其聲若雷如何是迦葉不聞聞師云風行草偃世尊迦葉即今在甚處師作聽勢僧擬議師便喝問如何是萬法歸一師竟拂子進云一歸何處師放下拂子進云胡來胡現來漢現時如何師便喝僧亦喝師連喝兩喝乃展手云大開方便門盡從者裏入復又手云半開緊閉說家裏話只如不開不閉又作麼生珍重下座

出七間赤肉團上壁立萬仞還有商量分也無師云萬里雲收午夜但有言句墮坑落堑作麼生商量師

云月明星燦長空問文殊爲七佛之師因甚出女子定不得師云人熟禮頑下界因明因甚出得師云木到渠成進云喚那箇作女子師打云死漢乃云動則埋根千丈不動則當處生苗更須兩頭撒開中間放下堪買草鞋行鄉始得且道是什麼人境界古人與麼明暗舌頭暗抽橫骨大似逆風把舵亦如順水推舟道樂不與麼車不橫推理無曲斷三乘十二分彌葛藤拋向無何有之鄉惹他牽枝引蔓千七百則開骨竈置於黑山鬼窟裡一任打瓦鑽龜須知淨保保赤漚漚沒可把動若行雲止猶谷神即不無正恁

麼時得力一句又作麼生風掃殘雲棲風竹寒侵徹骨不成眠

方山秉拂問楊岐偵慈明於小徑意旨如何師云大衆搏兔須與我說不說打和尚去他具何手眼敢爾如是師云追賊擊賊你且躲避我要往那裡去是往那裡去師云賊是小人智過君子乃云迴峯齊雪皓月顛池祖師基業萬古微猷捷徑法門十方趨向莫謂難攀峻切到者須是其人所以入此門來莫存知解著手不得處正夏提撕措足無地時恰好履踐淒涼雙洞不減清涼浴影旁通暗舒光彩一任飛霞落

翠秋水流輝正恁麼時神僧分上又作麼生饑餐渴飲行搖手見雨聞風坐點頭

秉拂問十世古今始終不離於當念因甚今日不知明日事師云粥後普請薺豆無邊利海自他不隔於毫端因其甚內不知甚外事師云汝從外來從內出僧擬議師便喝乃云時維五月五節屆正端陽日到中天曉雲收大地光路從平處險人向靜中忙齊雪峰孤迥龍湫水自長顧衆云者般說話大似三家村裏老樵夫有補僧氣在且道補僧事作麼生一飽渾忘時節度種田博飯樂平常

出七秉拂問臨濟道有一人常在途中不離家舍未審此人具甚麼手眼師云山斷雲來補進云又道有一人常在家舍不離途中此人又具何手眼師云泉聲雨後增進云是那一人合受人天供養師云月光交燭焰進云只見好風來席上并無閑話落人間師云松風曲調高乃云九十安居四十周神僧分上作麼副冷灰豆爆誰承接愧我何能強出頭願左右云者箇頭有來頭不妨舉似大衆南嶽磚頭百丈鼻頭黃檗棒頭臨濟拳頭夾山點頭保福低頭玄沙腳趾頭俱低手指頭都出不得我拂子頭且道拂子有甚

奇特復揮拂云自是不歸歸便得五湖烟景有誰爭喝一喝

小衆問放雨天雨四花收來地搖六震如何是禪師云門前栽樹高遮屋隴畔牽泉直到厨滿目盡是青山綠水如何是道師云大路一條直行逢百歲稀自性了然如何是佛師云不寒不熱三藏拈向一邊如何是法師云龍吟霧起虎笑風生禪道佛法既爾分明如何保任師云好與三十進云恁麼錦上添花也師打云再添些子僧舞具歸衆師云風顛漢如麻似衆喝一喝下座

六

小衆問觀世音若離南海時如何師云月明午夜後云將錢買餅餅放下是饅頭又作麼生師云日落碧山前問今夜小衆意若何師云鼓寂鐘沉更漏際風生鈴韻響樓頭僧禮拜師乃指燭云堂堂觀面祖師機不解承當甘自愚若也按牛頭喫草徒增怨恨爲誰癡除夕僧出師云不是不是僧擬議師便打乃橫按拄杖云一二三四五六七八九一十循環逆順數將來數到未來無盡日正與麼時送舊迎新句作麼生道和光吹滅舊年燈就手揭開新歲曆

小衆問學人疑情未決時如何師云金鳳浩浩來何急吹得人人徹骨寒云朝參暮參直圖見性且道性作麼生見師云畏聞廊下檐愁聽堂前板問某甲有一問未審和尚如何師打云情知你不計得進云法身充滿於法界因甚又道四大空師云你道法界有其麼物僧呈坐具師直打出歸方丈除夕暮擊拂子云歲盡年窮無別樣單單只有此爲憑掃除自己閑枝葉不打他家爛葛藤三際橫亘古今伶俐漢何待指標大丈夫豈藉言顯正與麼時三世諸佛道不著歷代祖師覷不見盡在我塵尾

不著歷代祖師覷不見盡在我塵尾

七

隙裡放開則人天交接把住則水漏不通只如不放不把時如何師却月中桂清光轉更多

解制今夜不答話問話者三十棒設有箇漢出來推倒禪床拗折拄杖我且問你一期已畢已躬下事作麼生一僧出云學人願領一棒師便打僧便喝師直打出

寓接陽嘉瑞寺小衆問僧問南泉道非物外物外非道如何是物外道泉便打是何意旨師云夜靜水寒魚不餌進云僧捉住棒云已後莫錯打人泉云龍蛇易辨神子難瞞即今衆中還有難瞞者無師室拂子

八

云一點瞞者箇不得乃云祖師道心隨萬境轉轉處實能幽隨流認得性無喜亦無憂只如去歲雲峯華岩今夏接陽嘉瑞正是逐境隨流經寒歷暑溪山雖異風月一般且境作麼生轉性作麼生認於斯認得何妨者邊那邊無可不可在處處應時作主遇緣即宗其或未然回首則關山上望白雲青嶂萬千重擊案兩下小衆問如何是奪人不奪境師云雲山多翠嶺鳥道絕人攀如何是奪境不奪人師云虛空無向背大道任隨行如何是人境兩俱奪師云長天萬里無雲夜

就其澄潭鑑影寒如何是人境俱不奪師云方袍圓頂眾嘉瑞聚雲樓曰四料家師指向下事如何師云何不問向上曰留與大師師便喝僧禮拜乃舉石星和尚道三月安居一月過園林是處綠蔭多蛙聲抵在池塘裡試問禪流會也麼古人恁麼難是婆心太切未免引人向聲色堆裏埋卻有甚出頭分道樂則不然三月安居一月過潭然無少亦無多更須坐斷兩頭看耀古騰今是甚麼喝一喝

小衆願眾云此事不是小兒戲所謂赤身挨白刃那容顧險防危合眼跳黃河不許停險停思單刀直入

猶嫌銳撒手回途早是遲只如文殊為七佛之師因甚出女子定不得良久云嘉瑞黑風來駭問明倚之下水汪洋開山大道平無險走殺英雄路轉長

江南深陽仙人山請小衆執拂子云五德絲綸一信釣長竿香餌任拋收遂緣到處堪垂釣破浪金鱗快合頭有麼有麼不答乃顧眾云欲識佛性義當觀時節因緣時節若至其理自彰衲僧家橫擔柳栗倒握吹毛隨處作主遇緣即宗所以永嘉云大丈夫秉慧劍般若鋒兮金剛焰非但空摧外道心早曾落卻天魔胆具如是作客然後整規模於顛危之際聚衲子

於寂寞之中建法幢展開外之權衡立宗旨開人天之眼目者些一是我法兄和尚難行能行難為能為底即今勉登此座無法可說只得聊為舉揚大眾共知只如同成法化共證無為一句又作麼生萬國醉心音大剛相逢携手蹈高臺喝一喝
除夕靠拄杖云竿木隨身逢場作戲法不孤起障境方生復顧拄杖云還會麼庭前柏樹意西來雪上加霜經幾回越死超生渾未已頂額亞墜為誰開良久云你有拄杖子我與你拄杖子富嫌千口少你無拄杖子我奪你拄杖子貪恨一身多只如不與不奪還

有為人處也無來年更有新條在惱亂春風卒未休卓拄杖兩下

機緣

天龍中居士問云有一事請教師云何事士云常聞貴教中有無情說法話是否師云是此話世諦罕知相公在甚處得來士云弟子在省城相會一禪師舉此話命弟子來求和尚教師隨拈戒尺擊案云居士問麼士默然師云居士同無情去也士驚異而去延數日復來繞進門師云且喜居士會得無情話也士以指彈壁云和尚問麼師喝云莫損常住壁士

禮拜師一踊云搬磚不如篋織土應喏喏師云功虧一簣難成九仰

賀居士來進門便拜師喝云起倒作麼士云弟子年邁特來求和尚慈悲指末後事師云汝年多少士云七十師云父母未生汝年多少士云請問和尚尊年多少師云山僧從無始以來至盡未來際一歲也不少士云者莫便是末後事麼師云切忌錯會

白泥縣施公來拘子把住咬公云者不是趙州狗子師迎前云護法認得他那些不是公云他亂咬師云好箇畜生公易色師云果然不是趙州狗子公云是

何言也元貴侍僧在旁笑師與一掌公約住云和尚慈悲不干侍者事是某罪過師呵呵大笑云山僧罪過次問昔丹渡原是儒客去選官途選一僧便拋入貴教選佛是否師云是施云某欲棄官選佛得麼師云不得施云為甚不得師云貪他一粒米失卻半年糧數日復來值師在縫衣便云和尚百藝俱全師云老居士欠少那一件云弟子百不能師拈起衣角云會得這箇麼云不會師云鴛鴦繡出從君看不把金針度與人
住高聖山時上林朱居士至值師刈菰士兄便云久

響和尚到來只見刈菰漢師即把菰示云只為這箇刺人眼士便趨前打落師約住云你是誰連道士與師一掌師拓開云山僧今日著賊士云賊賊師云非子不能承當遂携入菴見師將牛邊鍋煮飯士云牛邊鍋內煮山川即今鍋內是甚麼師云切莫動者士云是何意旨師云杓柄在我手裏士微笑師云降將不斬至夜見無床師將黃茅就地鋪士云不要今日因他禍事師云居士作一國提刑因甚被草縛士默然師云情知你出不得士云請和尚代一語師云內外是草切莫顛倒將錯就錯自然恰好士續云伸脚

睡倒師笑云猶出不得士便拜師云不敢士云理合如是師云自宜始得

子慈鄭居士來師云護法希駕士云久嚮和尚因甚俗氣師喝云這是什麼氣士失色師云果然俗氣士呵呵大笑師云轉見俗氣士云和尚莫壓良為賤師云識得不為冤遂坐少頃值楊居士送茶至士云和尚居此有人天送供只少百鳥銜花楊即合堂云請老人人接花鄭不然師云可惜許鄭云和尚道什麼師云依稀似曲幾堪聽又被風吹別調中鄭默然楊云瞻之在前忽焉在後師云晴天帶雨日暮生風

本參案

三

僧參問和尚住此多少少年師云居山不計年動靜隨朝暮僧云恁麼則亘古亘今也師指檟云坐僧禮拜師云將謂將謂原來原來
僧問如何名高聖山師云巍巍險峻僧云有何景致師云白雲萬頃怪樹千株僧云居此何益師云一池荷葉無盡數樹松花食有餘
僧問如何是佛師云泥塑木彫如何是法師云紙寫墨刻如何是僧師云穿衣喫飯僧禮拜師云恁麼會大遠在僧云和尚為甚顛倒師云山僧住山事繁僧問如何是第一句師云汝來遲道過了也如何是

第二句師云道過了如何是第三句師云落七落八僧禮拜師云切忌錯會且去再來僧應喏而去明日果來擬伸問師連棒打出僧作痛聲師云這癡漢猶嫌少在昨日向汝道了自不甘今日還來竟盪不打更待何時僧釋然有省呈偈云一句兩句及三句落七落八猶不契今日來討一頓槌頭破血流紅滿地師亦與偈云血流紅滿地不是小兒戲打得汝傷心痛罵山僧去

僧問長年不出戶底是甚麼人師云是庫頭進云庫頭因甚不出戶師云他怕客不來

僧問學人明知只是答話不恰好師云用好作麼進云怕錯師云這話恰好僧笑師云錯

萬變安穿雲寺印中大師堅留時色侯黃公請茶罷將碁子置桌上云請和尚來一著師即拈碁云炤將軍黃云正是基達敵手難藏興琴遇知音恰好彈師云象過河也照顧老將黃云洞中一局殘暮晚回首依稀爛斧柯空亮長老在旁云老爺好聯師云你和看亮無語師云可惜許

遊關聖祠值三知空亮二僧呈世尊拈花頌來求削時有一士名令和來在後高聲云請問禪師此公案如葉微笑豈不與曾子唯同師笑士云和尚即迦葉師云眼花不少士云和尚莫瞞弟子師云吾無隱乎爾士無語師復呼令相公士應諾師云曾子來也士禮拜稱不敢師云你是你瞞我士云弟子實不知請和尚指示令弟子開些莊基師即頌云大驚小怪一聲喧禍出私門事悄然父子干戈家國喪至今猶未住征帆又龍虎榜中香姓字鳳皇臺上沐恩波驚鵲絢出從君看不露金針奈我何

問僧主人公在甚麼處僧云某甲後下單來師打云腳跟未點地在

團山
拈云文殊大開方便世尊坐斷兩頭雖得坐享成功不無人荒道絕只如不作佛法見又作麼生一念不生已話墮鐵圍當面更崔嵬

不作佛見不作法見雲散天青風來水面何何無端時令錯踪晝夜滂沱不斷
世尊勸阿難持鉢
拈云瞿曇父子雖是有禮未免一場敗露喫飯穿衣孰不知鉢孟日日退唇皮莫言老大閑多事貴要兒孫固踐持

應無所任而生其心
拈云應無所任且置與什麼作心愁人莫與愁人說說與愁人愁殺人
日麗普天暖風生大地涼非同香味觸豈逐色青黃森羅萬象咸周遍今古何曾有易常
烟雲日日繞山飛鳥語溪聲碎轉微更有闌林開草木一番風雨一增肥
唯此一事實餘二則非真且道是那事
拈云咄切忌話作兩概
烟雲盡處是青天日月輪明非偶然曜古騰今誰不見知恩就是報恩前
百丈野狐
拈云異類中來路通知馬力坐籌帷幄事久見人心只如有墮有脫不落不昧相去幾何一堂風冷淡千古意分明
五百生從異類遊不風流處卻風流狐疑淨盡淨無癡火鑊爐中躍出頭
不厭樂禪師語錄卷二終

不厭樂禪師語錄卷二

門人如慧編刻

單頌

馬祖令人送書與徑山

馬欽雪竇與南陽共駕扁舟泛渺茫只解弄潮勤舞棹阿誰自在坐官倉

一口吸盡西江水一拳打破太虛空彼此任從滄海變未形終不與人通

德山托鉢

龍吟霧起虎嘯風生犀因玩月象遇雷鳴

不厭樂禪師語錄卷二

閒時不見操戈甲臨陣纔看有大雄從前汗馬無人識只在重論蓋代功

靈雲見桃花

數十年來被屈終朝飲氣吞聲不逢劍客知己幾乎屈殺無伸

敢保老兄未徹在

只因錯認桃花面惹得旁人道是非痛處加催何太切難兄難弟世間稀

國師三喚侍者

點即到不到不點一俱事負過難免破家散宅口招

風叫屈舍冤天不啻

一呼一啻二俱是錯未開口前早已話隨

丹霞燒木佛

木佛雖燒情爲冷眉豈自瞋眼空大寒清萬里無雲際月滿水壺徹底圓

閉戶長年不出門各投誰主復誰賓不因舍利重經火爭得圓明兩眼睛

預備則無患

何須墮重與重門捨盡怪貪大放心學析也知無河用家貪怕其賊來侵

黃龍三關

我也有個生緣徒勞五十餘年風習彌天罪過於今猶未知慚我手何似佛手事事要他分別好惡繫繫繫扶起淨瓶花柳我何似驢唇登山涉水無說於今背露皮穿一任人前伸縮佛手驢唇生緣不住彼此中間到處逢場作戲無端驢賣人前

問木爲枕

枕子暫然匿地不知那個突驚打破磚頭一塊千秋寒壯叢林

僧問與陽

高高峯頂立淺淺海底遊樵歌歸盡嶂帆影落汀洲

法眼奈地藏

憶昔南開馬不行滿腔熱血已成冰不是一番寒徹骨爭得梅花暖鼻馨

始終以名節自立

誰似淵明勿自欺不希彭澤隱淡居雖然道出平常事五柳之名天下知

亮座主

烏跡魚跡理猶彌草履風行事豈私誰謂西山亮座主不留踪跡與人知

麻三斤

無端亂道麻三斤拽出恒沙佛命根只爲當時不忍禁結成冤業網層層

僧問仰山法身還解說法否仰云我說不得別

有一人說得僧云說得底在甚麼處仰推出枕

子

太虛寥廓絕纖塵智鏡分明沒古今日上舉頭天外看不知誰是箇般人

春山千種態春境百般新雲霞生海宇梅柳爆江程

般若經云當知諸佛菩薩住此學中能以右手

舉起三千大千世界或擲他方或置本處其中

有情不覺不知

春風本自無形段大地從教浪有名利利塵塵家化有知恩端的是何人

離四句絕百非

懸岩竊竊無生韻木鳥松風歷管絃弗落宮商高占調不言言也不傳傳

婆子燒菴

燒菴盜得三冬煖枯木寒岩理自彰木向石邊流出冷風從花裏過來香

慈明榜文

怪石層層開又開長安一望草漫漫可憐無限食程客咫尺天淵難上難

山居

居勝何似住山阿出入榮爲興且歌接拍雖無人應諾親聽却有鳥相和烟籠古樹垂綰蒼苔日上疎林挂玉珂唯自見來娛自樂頭頭物物不干他

緣箇菴居與市離山深菴小少人知林猿木鳥堪相識雲鶴烟花不我欺六戶虛通玄徑捷三光互照碧

天低石床草褥連溪枕一任松風笑大癡

山幽菴寂絕逢迎古柏蒼松爲弟兄互換不無枝竹

諸技機更有幹堅心同風朗誦長生曲歷雪頻翻了

義經品業雖多多變易知音莫過爾真誠

茅屋三間壁隙西淡然四五箇僧樓同耕有意雲千

頃共飲無心木一溪取用不從他處覓施爲俱是自

家底飽柴飽木飽山况滿目風光日月齊

茅屋三間絕四維住來一任八風吹象頭破衲黃弗

禪折廊柴床怪石支冷眼白青唯自見枯腸乾淨與

誰知閒雲實我真相識去復依依不捨離

居山莫謂懶婆娘住得山來事轉多柴是自搬木自

運因命誰種磨時防竹裏發偷笋日顧田中鹿
跡不幸有一些開快活溪聲常共鳥聲歌
依倫又是一年除愧沒能爲行不數枉做個僧居寂
寞虛凭尊佛守寒廬直圖老實平常好忽卻人情款
待疎耐淡消磨忘寵辱甘貧唯憶趙州無
應世無能退便居岩房恰好不那廬床憑石磴蒲團
厚座向松門明月孤水便清泉隨飲浴柴多枯木任
炊厨苟安抱拙全師德當其虛名染世誣
勿須分外覓林泉值此依岩寺豁然谷口晴霞紅白
壁松門皓月照南軒苦封古殿重新佛翠鎖靈龜不

計年有問即今誰是主知音何必壁空拳
生平直愛住深山傍樹依岩懶結庵心若冷灰機見
少身猶稿木世情偏門簾竹香和雲掩徑帶溪深就
水潄土曠人稀誰侶伴唯親鹿鶴日相關

和月竹禪人韻十首

幽棲不與世同情快樂園林木鳥聲更有一般閒意
思白雲日日嶺頭生
松搖竹舞逗閒情本自無聲卻有聲如是大大君子
意吟風笑月樂長生
頓斷凡情與聖情不勞杓卜聽虛聲東拋西擲隨他

去洞俗和光度此生

如癡如兀絕塵情眼不色今耳不聲有一些兒乾不

淨一波纔動萬波生

頻呼小玉擬何情貴要檀郎認得聲言下了知無別

事祖師原不是天生

居山莫只了閒情耳目分明悟色聲普眼圓通俱自

在百千神用靜中生

無臭無聲倘盡情凡名聖號總虛聲殊形異相歸無

相大地何曾有衆生

山居大有好閒情眼自青黃耳自聲如是了知空色

相頭頭物物始光生

住箇山今遠世情不聞人我是非聲松風日夜熾然

說自覺忘形越死生

偶來此處樂閒情擬步閑黎韻十聲雖自吾儕信口

道應知事仗境方生

附燕然靜主山居五首

願離塵市喜居山住得山來莫教閒懶慣身心無用

處剛開荆棘作蔬園

迥脫塵勞住箇山憑鋤掘地是生緣少求減用貪安

分者水調羹菜向南

本齋集卷三

息心除妄靜居山轉箇那菴偷自閑有問單傳直指

意不無巴掌與鹿拳

山居寂靜占虛高路險崎嶇人莫朝不是野人無管

待把柴撮米瓦鑪燒

山居快活菜羹香誰識淡中滋味長薄厚乾坤容我

老高明日月笑他忙

禪者

復黃秀士

相公來教文章調山野輕酬鄙俗詞步韻難將心改

換隨機易逐事遷移彌陀一句嫌多念經教五千尚

未提此是庸僧老實語高明切莫以爲詩

重晤天機和尚

向年別去中秋後今日重來夏至前壯麗招提光四

衆洪揚祖道悅三賢雖云事理無新舊卻信因緣有

變遷不負曹溪宗旨印誠哉萬古續燈傳

印偈

慈濟德普

胎結就是何年今日冤家適憐然兔角龜毛親嘴

付時臨到處接英賢

憑一首定

不秋金剛經卷三

祖祖相傳無法師師授受有因直取萬年一念誠爲

濟下兒孫

松梅超意

去來兩度勝殷勤我棒頭梨頂門只待松芳梅子

熟枝枝葉葉可傳燈

微用弘鑑

一期不見露圭角今日重加矢上尖刺盡心肝無可

說我宗無語即真傳

竹岩賢璞

幾度喫吾痛棒徹骨徹髓商量脫體不當得去到時

拈我瓣香

實德性福

老實莫還真實德功勞無論夜黃昏殷勤鑿井池成

月萬別千差一鑑分

月竹如意

祖祖相傳無別一味心地法門獨爾掃除知解真誠

可繼傳燈

惠遠淨文

授受相傳心地印燈燈相續振家風今朝囑付英童

子悟徹宗通說亦通

心開照性

採竿影草辨龍蛇到處瞻風典轉者撥着錦鱗能破

浪與雲布雨澤三巴

擊竹明諷 住金佛山

即心即佛莫忘懷二六時恒憶大梅珍重一朝梅子

熟非心非佛罵吾儕

證先圓明

相傳授受無別一味心地法門記爾剷除狂妄藕絲

不絕兒孫

贈華生李居士

不秋金剛經卷三

一園一點銘心版直為相投針芥管記別渝州李上
人將茲作箇千年眼

遊德山大碑間舊韻

了卻三心啟德山門開振古開州潯燈傳光續龍潭
焰桂燦香分楚水門勝蹟名餘增碣石浮圖遠應感
多攀灼然弗昧全剛眼由蒼乾坤任往還

湘潭訪醒初靜主

出蜀離黔日五十湖南湘水里三千何期舊識於斯
遇釋我窮途垢汗顏

狀元洲

袁州塞北狀元洲寶閣參天樓上樓擬欲乘機去賞
與高居不與我同流

登豫章多寶

我我一筍透雲衝節節相通戶不無玉砌螺旋臨極
頂九重天上小洪都領有九重

騰王閣

久耳騰王閣臨江道不虛雖非仙子跡天下播名餘

廬山圓通

一宿閑消萬里程寒更令我憶先人貓頭藥舖無張
挂高岸虛庭草丈深

虎溪

還聆三笑已多年今日於斯適偶然試問遠公何處
是西林菴畔二松前

禮幻祖真

兒孫滿世出龍池木木原由幾共知愧末雖然難得禮
竟也同黑豆未生時

密祖

銅棺脫落啟家風浩浩兒孫胆氣雄結下冤仇無了
日於今兀坐若癡聲嘆嘆不閉手不空吹毛倒握真
是殺人祖宗

示子慈鄭居士

休官幾個似居士抱拙無能實我癡要會如何的
意馬師一喝耳聾時

號德普禪人

玉泉號爾慈濟將來成箇法器其中洗盡諸塵滿貯
醍醐上味

弘休當家

此事不是小兒戲當家種草豈容易支持內外用心
堅若實法門中子弟

壽周相公

世間無物比君壽松柏南山畧較些松柏長青山太
古一年一度燦新花

示弘慈善人

大道本無男女直要信心到底彌陀一句莫忘行住
坐臥提舉休論他人是非時常照顧自己晨昏克苦
殷勤香鐘稽首百禮如是做到臨時官取了得生死
山僧苦口叮嚀莫負忠言逆耳

示弘福

修行要念佛莫只齋酒肉五戒必嚴持妄心須降伏
如此用工夫日久定純熟誠破念的人方知已面目

雙桂老人忌辰

諸真拈香云久沾恩況未親德相今日相逢當仁不
讓放過一著又作麼生只饒通身手眼也須且挂壁
上香畢復云飯是米飯菜是蒿枝油煎豆腐水煮
茶皮和盤托出供養翁師噫一味真真酸澁苦不是
飽餐人不知

上本師啟

法運流漓夷險之風反覆人情如蕩師資之道難酬
瓣香雖焚於爐中寸敬未伸於座右恭惟和尚聖
躬康健尊意清安佛日愈輝法幢永柱壽山天造奚

區堪壘無盡之年福海汪洋勿希以陳當享之供洪
雖奉命禮別跬步慚惶違呼達晤於千山負海負恩
於咫尺禍胎待老徒挽瀝地之風管見塗山竟芥龍
湫之喝惟愧虛當大任精持力竭全虧苟可應緣林
下不無獲罪法門悚慄通禪屏營謹啟

自與吾師

自與吾師有年於今也解日隨拈辨魔撥轉野狐
媚顯異收回破窻曉明徹德山宗一味了知臨濟飽
三玄從斯打得中間也說甚南邊與北邊

中秋和竹雲上座韻

天姊輪明滿更華人問誰不觀精微澄潭浴影驚龍

示眾

臥錦市歌驚動鶴飛覺地星微增秀麗清虛體寂脫
雲衣看來此箇大同範納得須彌一纖歸

示眾

即心即佛頭上安頭非心非佛斬頭覓活只知不是
心不是佛不是物是箇甚麼顧左右云今日擔黃豆
個個覓肩疼心隨萬境轉轉處處實能幽隨流認得
性無喜亦無受大眾只如辰昏課誦二時粥飯撒柴
運水迎賓待客松風鳥語見聞覺知盡是迷境隨流
且道性在什麼處作麼生認維那咳嗽師喝一喝歸
方丈華岩有句茶話妙米清茶送下不為一味平

示眾

常要識廬陵米價且道廬陵米作麼價咄切忌散心
雜話

以僧佛事

起龍生本無來死亦何去以杖指御體云只為這個
觸途成滯從今擺脫逍遙再莫落他圈網咄休擬議
便行火拈火炬云火一把柴一堆撒炬云助汝些
力霎時成灰顧眾云且道以僧向甚處去千尺寒松
留不任一片晴霞喜落輝入塔此是涅槃堂多寶
果恒沙諸佛盡在裏許舉眾云只這沒屑眼東西
向甚處安著良久云也不得離他羣隊便入

分明却是獅兒何其不解孝后以杖敲額憐云即今助汝全成出羣打個勦斗 挑火炬云一堆乾柴一把竹椅吩咐丙丁灼然恰好何以見得額頭焰起赤騰騰火裡蓮開紅朵朵 入指指靈骨云大眾識這箇麼不上天堂不入地獄不羣衆生不侶諸佛恁麼何處着他只好拋向白雲山裡和其光同其塵填溝塞壑喝一喝便入

與法兄還初和尚封龕起龍舉火
橫按拄杖云報緣誠幻浮世匪堅正與麼時放下諸般俱莫管且歸無事絕商量喝一喝便封 東山水

上西河火裡猶是推乾賣滑赴熱趨炎爭如我法兄即今踏翻滄海大地平沉脫盡浮雲空無向背正恁麼時勿思量何擬議來去自由非漸次拽杖便行
執炬召衆云會麼草褥柴床獨坐如潛消萬慮絕親疎攬火炬云要見吾兄真面目大地通紅火一爐

挂真說與復輓二偈

心肝拈熱輓吾兄淚濕襟衫痛處傾有約相將何別去砂盆依舊靠誰人

數十年操太古琴隋然一曲別風吟空餘焦尾懸珠壁未見獅茲挂紙食斷續宮商誰訝韻錦江流水合

立

知音洋洋四海難藏典只恐鍾期逐浪尋

助緣僧性鏡薦母助緣性超助緣光深助緣

謝永貴與子謝應世脫白助緣一兩人發

袁成厥助緣

不厭樂禪師語錄卷三終

序

三峯半水元禪師受尸羅于石谷吾姪得印偈于大
吼吾兄實雙桂先老人嫡孫也偶惺然禪人于辛未
冬來華岩結制時以機鋒相觸雖無來歷亦似有胆
老僧痛與一頓搭卻不錄忽又入室自訴所以悔見
予之晚云受三峯記朔乃出所錄稿請予正序予喜
其忠而義孝而公遂不辭為之正見其編中有頌三
開語本色快暢可錄遂前後刈鋤僅存其可傳者一
十二篇并為之序

音

康熙辛未歲花朝月補天日也華岩王老僧識

法弟不厭代刻

目錄

上堂

二十則

小參

二則

茶話

五則

機緣

一則

頌古

十一首

印偈

十一首

禪偈

二十二首

半水元禪師語錄

門入光淺等編

康熙丙午冬雲海羅公相廷朱公等請就本院開爐
上堂拈香祝聖畢末後拈香云此一瓣香薰向爐中
端為現住榮縣開新堂上傳臨濟正宗第三十二世
上天下吼本師大和尚用酬法孔之恩上首白槌竟
問答罷豎拄杖云七尺軀軀盤鼻蛇雲騰宇宙瑞
三巴條條穿過人無見檢點將來未到家攜下拄杖
喝一喝上首結槌師便下座
上堂發元請制此心良三三七長連九定香坐到辰朝

上堂發元請制此心良三三七長連九定香坐到辰朝

並午夜索錢庫下買生薑

上堂言如箭急掌威傳師象聲野千驚珍重四來
安穩坐劈頭白棒豈無情

天柱居士請上堂以坐具搭右肩至座前又手作女

人拜乃陞座云庭前白日長冬風送上堂喝退三巴
木棒分午夜光應須高着眼借取謝三娘

上堂僧問萬法歸一即不同如何是青州布衫師云
千手大悲提不起進云問處分明答得親師噓一聲

乃云日上堂道不信時時說底耳邊風卸卻袈裟
歸舊位來朝迎送又還通

上堂僧問如何是戒師云穩口深藏舌進云如何是
定師云知機到處安如何是慧師便打問金龍出現

時如何師云雲從風隨僧便拜師乃云有問有答
老萊雖無問無答三平木杓且道者僧恁麼問老僧

拄杖恁麼答還是來離是木杓良久云莫教挨落崖
前石打破下方遮日雲

雲海羅居士請上堂重重揭鼓聚風雲攪動魚龍噴
浪驚豎橫短棹人皆赴登者須知不二艇招手云起

船底快來拽拄杖下座
佛成道日朱居士請上堂一棒一喝當下領客一機

一境觀面相呈者事且止昨夜瞿曇眼挂當大乾坤

皎潔今日朱公母難得此良辰供佛齋僧請法延齡

有何利益萬勿我眉柱拈來作壽山

上堂單提白棒播宗風鐵鎖銅頭孰敢違打破虛空

如粉碎雪流大地溢江東

上堂頻登樓閣坐行正令莫將泥彈子喚作破沙盆

靠拄杖下座

上堂三峯山裡日初長一段清淨喜法堂助我也

些子力扶持拄杖太師當

解制上堂百日期圖有始終莫輕語默快相逢高接

慢懷隨取便解開布袋合禪龍截斷千端無異路接

頭萬里有同風諸時走遍還來此再造陽春輔化崇

元宵後值雪亭如萬公為子脫白請上堂昨夜山頭

堆雪今朝銀樹玲瓏樓上洪鐘大扣堂中擗鼓如雷

拂子悠然跨跳拄杖入手揚威雖共一時機發亮他

百世光輝神通妙用不是格外提持亦非亭如飯僧

設供老僧特為啟迷喝一喝云心生大歡喜自知當

作佛又召悟聖云却帽脫鞋返本且赤身無礙亦無

絲從今放出三門去建續人間第一枝

上堂羅雲今日不現三峯受請上堂雖是家無一主

要且同條共貫藉以拄杖作此召眾云者是我釋

迦老人初降王宮周行七步目顧四方誇經寶紀旁

若無人所以遣人檢點自討其辱今日光亭請老僧

登座祇得依樣栽奪買帽相頭與居士安名取諱光

輝佛日喜美同流且道文不加點作麼生慶賀翠秀

千株栢吟風一樣松

胤鵬楊公為父母開莫請上堂爐烟久冷未堪嚴剔

起眉毛又復然今日為拈香一瓣全仁全孝裔綿綿

陳居士請上堂昨夜瞿曇現瑞星今朝座上偶傳心

眼親何似手親好達者應知無一身所謂釋迦見量

原书缺554—末